

դրամը, հետևաբար Պատասխանողից հոգուտ Հայցվորի ենթակա է բռնագանձման 100 000.00 ՀՀ դրամ՝ որպես փաստաբանի խելամիտ վարձատրության գումար:

4. Վճռի օրինական ուժի մեջ մտնելը.

Հայաստանի Հանրապետության քաղաքացիական դատավարության օրենսգրքի 234.12-րդ հոդվածի 1-ին մասի՝ պարվիրատուի և գնահատող հանձնաժողովի գործողությունների (անգործության) և որոշումների բողոքարկման հետ կապված վեճերով դատարանի եզրափակիչ դատական ակտն ուժի մեջ է մտնում հրապարակման պահից:

Տվյալ դեպքում Հայցվորի կողմից ներկայացվել է գնահատող հանձնաժողովի գործողությունների (անգործության) և որոշումների բողոքարկման հետ կապված հայց, հետևաբար, Դատարանի եզրափակիչ դատական ակտը՝ վճիռն, ուժի մեջ պետք է մտնի հրապարակման պահից:

IV

(ԵԶՐԱՓԱԿԻՉ ՄԱՍ)

Առաջնորդվելով վերոգրյալ պարճառաբանությամբ և ղեկավարվելով ՀՀ քաղաքացիական դատավարության օրենսգրքի 27.2 գլխով, 198 և 360-362 հոդվածներով՝ Դատարանը

Վ Ճ Ռ Ե Ց

1. «ՖԱՍԹ ԲԻԼԴ» ՍՊԸ-ի ընդդեմ ՀՀ Արմավիրի մարզի Խոյ համայնքի՝ ՀՀ Արմավիրի մարզի Խոյ համայնքի 21.04.2023 թվականի ծանուցմամբ «08.07.2022 թվականին կնքված թիվ ԱՄԽՀ-ԳՀԱՊԶԲ-22/11-2 պայմանագիրը միակողմանի լուծելու մասին» որոշումը անվավեր ճանաչելու պահանջի մասին հայցը բավարարել:

1.1. անվավեր ճանաչել ՀՀ Արմավիրի մարզի Խոյ համայնքի 21.04.2023 թվականի ծանուցմամբ «08.07.2022 թվականին կնքված թիվ ԱՄԽՀ-ԳՀԱՊԶԲ-22/11-2 պայմանագիրը միակողմանի լուծելու մասին» որոշումը:

2. ՀՀ Արմավիրի մարզի Խոյ համայնքից հոգուտ «ՖԱՍԹ ԲԻԼԴ» ՍՊԸ-ի բռնագանձել 30 000.00 ՀՀ դրամ՝ որպես նախապես վճարված պետական տուրքի գումար:

3. ՀՀ Արմավիրի մարզի Խոյ համայնքից հոգուտ «ՖԱՍԹ ԲԻԼԴ» ՍՊԸ-ի բռնագանձել 100 000.00 ՀՀ դրամ փաստաբանի վարձատրության գումարը:

4. Դատական ծախսերի հարցը՝ մնացած մասով, համարել լուծված:

5. Վճռի «Եզրափակիչ» մասի 1.2., 2. և 3. կետերը կամովին չկատարելու դեպքում այն կկատարվի ՀՀ ԱՆ հարկադիր կատարումն ապահովող ծառայության միջոցով՝ պարտապանի հաշվին:

6. Վճիռն օրինական ուժի մեջ է մտնում հրապարակման պահից:

7. Վճիռը կարող է բողոքարկվել միայն վերաքննության կարգով՝ ՀՀ վերաքննիչ քաղաքացիական դատարան՝ հրապարակման օրվանից մեկամսյա ժամկետում:

ԴԱՏԱՎՈՐ՝

Digitally signed by OHANYAN
ARMAN 4014820192
Date: 2023.07.10 16:41:31 AMT



Ա. ՕՇԱՆՅԱՆ